

3. Отенский

Истины показание к вопросившим о новом учении

Часть 2

**Москва
«Книга по Требованию»**

УДК 291
ББК 86.3
3-11

- 3-11 **3. Отенский**
Истины показание к вопросившим о новом учении: Часть 2 / 3. Отенский – М.: Книга по Требованию, 2015. – 482 с.

ISBN 978-5-519-17292-9

В современной историографии Зиновий Отенский известен, главным образом, как создатель произведений, направленных против «нового учения» Феодосия Косого, считающегося самым радикальным еретическим учением на Руси. Поэтому к трудам Зиновия обращаются только как к источнику о Ф. Косом или только как к трудам, главной ценностью которых является опровержение неправильных взглядов. Однако думается, что значение всех его сочинений в истории философской мысли России значительно шире. Ф. Калугин, автор пока единственного по своему объему монографического исследования о Зиновии, называл «Истины» памятником умственно-религиозного состояния общества того времени: «Помимо своего специального богословского значения, труды инок Зиновия дают обильный материал вообще для понимания духовно-культурного состояния тогдашней Руси, для характеристики современного мировоззрения, для истории русской мысли вообще и степени распространения разнородных знаний среди книжных людей того века. . . По его труду можно определить степень книжной начитанности тогдашних образованных людей, судить об образовательном уровне, которого достигла духовная культура в XVI веке».

ISBN 978-5-519-17292-9

© Издание на русском языке, оформление
«YOYO Media», 2015

© Издание на русском языке, оцифровка,
«Книга по Требованию», 2015

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Серия Книжный Ренессанс

www.samizday.ru/reprint

вая убо якоже во глубоць тмъ придохъ ⁽¹⁾, якоже на мѣрилѣ овогда убо сѣмо, овогда же овамъ прекланяхся, и иному инако или къ себѣ влекущу мя ради многолѣтнаго челоуѣкомъ обычая, или инако оттыкающе ради иже въ божественныхъ писаніихъ познаваемыя истины. На мнозѣ же сія стражда и вину, якоже рѣхъ, много испытуя, въ память придохъ книги Судійскія, повѣствующу ⁽²⁾, яко кождо правая предъ очима своимъ творяше, сказующу же купно и вину ⁽³⁾, яко во днѣхъ онѣхъ не бѣ царь во израили ⁽⁴⁾. Сихъ убо воспомянувъ, помыслихъ и о настоящихъ оно, еже рещи славно ⁽⁵⁾ паче и преславно, разсмотрити же истиннѣйше, яко еда како и нынѣ отъ единого и великаго истиннаго и единого всѣхъ царя и Бога отложенія толико разногласіе и рать сущимъ въ церкви бываетъ, комуждо убо отъ Господа нашего Іисуса Христа учительства отступающе, помыслы же вѣкія и уставы своя отъ самовластія отмицающе, и паче начальствовати притивленія ради ⁽⁶⁾ Господемъ, нежели начальствоватися отъ Господа хотящу? Сіе же помысливъ и къ премногому нечестія убоявся, на

⁽¹⁾ № 605 и староп: проидохъ.

⁽²⁾ Староп: повѣствующу убо.

⁽³⁾ Староп: и вину, внегда рещи.

⁽⁴⁾ Суд. 21, 25.—Въ рукописяхъ на полѣ написано: «смотриши въ старыхъ и въ греческихъ переводѣхъ».

⁽⁵⁾ Староп: рещи убо страшно.

⁽⁶⁾ Староп: начальствовати отъ съпротивіа.

мнозѣ же испытую, увѣщавахся ничимже мнѣ и отъ сущихъ въ житіи вещехъ истинѣ быти предреченнѣй винѣ. Зрѣхъ бо ⁽¹⁾ всяко множество благочиніе же и согласіе дотолѣ исправляемо, донелиже ко единому нѣкоему начальнику держится общее всѣхъ благопокореніе; всяко же несогласіе и разстояніе на многоначалство отъ безначальства сотворяемо. Азъ же видѣхъ нѣкогда и пчельное множество, закономъ естества воеводствуемо и послѣдующе благочиннѣ своему царю. И многа убо азъ такова видѣхъ, многа же слышахъ; вѣдять же и множайшіи иже о сихъ упражненіи, яко и отъ сихъ истинно показоватися глаголемое. Аще бо къ единому маанію ⁽²⁾ блюдуцимъ и царя приѣмлюцимъ единого свойственно есть благочиніе съ согласіемъ: убо несогласіе всяко ⁽³⁾ и разстояніе знаменіе есть безначальства. По тому же убо слову таковое къ заповѣдемъ Божиимъ и къ другъ другу несогласіе и въ насъ обрѣтаемо оглаголаніе есть или отлученія ⁽⁴⁾ отъ истиннаго царя, по еже «точію держай нынѣ дондеже отъ среды будетъ» ⁽⁵⁾, или отверженія его, по еже: «рече безуменъ въ сердцы своемъ: нѣсть Бога», емуже якоже зна-

⁽¹⁾ Староп: убо.

⁽²⁾ Староп: аще бо иже къ единому маанію.

⁽³⁾ всяко — изъ № 605 и староп.

⁽⁴⁾ № 605 и староп: отлученіе.

⁽⁵⁾ 2 Сол. 2, 7.

меніе нѣкое обличеніе приносить, еже: «растлѣша и омразишася въ начинаніихъ» (1). Здѣ убо якоже начертаніе таковаго нечестія, отай въгнѣждающая въ души, надъявляему злѣбу слово показа; блаженный убо апостоль Павелъ, зѣльнѣйше обращая въ страхъ Божіихъ судьбъ погубльшихъ сердце, симъ вмѣсто муки оставляетъ осужтися, иже истиннаго богоразумія нерадившая. Что бо рече? «И якоже не искусиса Бога имѣти въ разумъ, предасть ихъ въ неискусенъ умъ творити неподобающая, исполнены всякою неправды, лукавства, злѣбы, лихоиманія, полны зависти» и прочихъ (2). И сію мною умыслити апостолу проповѣдь не отъ себе, Христа бо имѣяше въ себѣ глаголюща, но отъ оного его гласа наставльшася (3), имже рече сего ради въ притчахъ глаголати народомъ, яко да не разумѣютъ божественныя евангелія тайны, зане варивше тѣи очи свои смѣжиша, и ушима тяжко слышаша, и одѣблѣ тѣхъ сердце; яко да имѣютъ вмѣсто муки подѣматися еже о большихъ невѣданіе, иже къ доспѣвшимъ самовольнѣ очи свои душевнѣи (4) ослѣпившеи; еже Давидъ бояся пострадати глаголаше: «просвѣти очи мои, да не когда усну въ смерть» (5). Отъ сихъ убо и таковыхъ явлен-

(1) Псал. 13, 1.

(2) Римл. 1, 28 — 31.

(3) № 605: наставльшася — нѣтъ.

(4) Староп: око душевное.

(5) Псал. 12, 4.

но быти помышляхъ , яко всяческихъ убо страстей злота ради еже о Бозѣ невѣданія неискусенъ разумъ влагаетъ; особнѣ же несогласіе многихъ къ другъ другу , заеже недостойныхъ ⁽¹⁾ насъ самъхъ себе устроити Господня предстояніа, случается. Къ посъщенію же таковаго житія аще когда убо и пріити совѣщахъ, ниже умѣрити имѣхъ величество толикаго нечувствія, или ⁽²⁾ безсловесія, или ⁽²⁾ безумія, или ⁽²⁾ запреумноженія ⁽³⁾ злобы, не имамъ, что реку. Аще бо и въ безсловесныхъ сице исправляемо обрѣтаемъ еже въ себѣ согласіе заеже къ предводящему благопокоренія что убо речемъ мы, въ толицъ убо еже другъ къ другу разстояніи, въ толицъ же къ заповѣдемъ Господнимъ съпротивленія обрѣтающемся? Или не сіа ⁽⁴⁾ мнимъ нынѣ убо во учительство и обличеніе наше отъ благаго Бога предложитися, въ великій же и страшный день суда въ постыдѣніе и обличеніе ⁽⁵⁾ ненаказующихся принестися отъ него, иже рекшу уже и глаголющу присно, яко «позна волъ стяжавшаго ѿ и осель ясли господина своего, израиль же его ⁽⁶⁾ не позна, и людіе мои мене не разумѣ-

(1) № 605 и староп: недостойны.

(2) Староп: и.

(3) Староп: за преумноженіе.

(4) Староп: сіа вся.

(5) Староп: въ постыдѣніе и осужденіе.

(6) Староп. и № 605: мене.

ша»⁽¹⁾, и ина многа такова? Оно же, еже отъ апостола реченное, еже: «аще стражетъ единъ удъ, страдаютъ и вси уди; аще ли славится единъ удъ, срадутся вси уди», и еже, яко «да не будетъ распря въ тѣлеси, но тоже другъ о друзъ пекутся уди»⁽²⁾, отъ единыя явъ яко подвижаеми внутрь живуція душа, — чесо же ради сице усмотрися⁽³⁾? Азь убо мню, яко да наворачается такое послѣдованіе же и благочиніе много множае отъ церкви Божія, къ нейже речеса: «вы есте тѣло Христово, и уди отчасти», держащи явъ яко⁽⁴⁾ и совокупляющи каждо къ другому, къ сочетанію единыя точію воистину главы, яже есть Христось. А въ нихже ни единомысліе исправляется, ниже союзъ мира соблюдается, ни яже въ дусъ кротость хранится, но и раздвоеніе и прѣ и ревность обрѣтается: многа убо дерзнутія будетъ уди таковыя Христовы именовати, или отъ него начальствоватися глаголати; простою же мыслию со дерзновеніемъ рещи, яко держитъ тамо и царствуетъ плотское мудрованіе, по апостолу гласу глаголющему убо повелительнѣ, яко «емуже представляете себе рабы въ послушаніе, рабы есте, егоже послушаете»⁽⁵⁾, сказующу же явъ такового мудро-

⁽¹⁾ Иса. 1, 3.

⁽²⁾ 1 Кор. 12, 26. 25.

⁽³⁾ должно быть: устроися.

⁽⁴⁾ Староп: яко — нѣтъ.

⁽⁵⁾ Римл. 6, 16.

нія свойство, егда глаголетъ: «идѣже бо зависть и распря и ревность, не плоти ли есте» ⁽¹⁾? учащу же купно отвѣщательнѣ и лютое же тѣхъ сбытія и неприобещное къ благочестию, имиже рече, яко «мудрованіе плотское вражда на Бога, закону бо Божию не повинуется, ни бо можетъ» ⁽²⁾; занеже «никтоже можетъ, рече Господь, двѣма господинома работати» ⁽³⁾. Таже самому едиnorodному ⁽⁴⁾ Сыну Божию Господу и Богу нашему Иисусу Христу вопіюще, имже вся быша: «яко снидохъ съ небесе не да творю волю мою, но волю пославшаго мя Отца» ⁽⁵⁾, и яко «отъ себе не творю ничтоже», ⁽⁶⁾ и «заповѣдь пріяхъ, что реку и что возглаголю» ⁽⁷⁾; и Духу ⁽⁸⁾ святому, раздѣляющему же ⁽⁹⁾ великая и чудная дарованія и дѣйствующему же ⁽¹⁰⁾ вся во всѣхъ, глаголющу отъ себе ничтоже, но елика аще услышитъ отъ Господа, сія глаголющу: како не множае паче нужда всякой церкви Божіи, тщащейся блости единеніе духа въ союзъ мира, исполнати оно, еже въ Дѣянїихъ реченное, яко

⁽¹⁾ 1 Кор. 3, 3.

⁽²⁾ Римл. 8, 7.

⁽³⁾ Матв. 6, 24.

⁽⁴⁾ № 605: едиnorodному — нѣтъ.

⁽⁵⁾ Иоан. 6, 38.

⁽⁶⁾ Иоан. 8, 28.

⁽⁷⁾ Иоан. 12, 49.

⁽⁸⁾ Староп: и Духу же.

⁽⁹⁾ Староп: и № 605: же — нѣтъ.

⁽¹⁰⁾ Староп: же — нѣтъ.

«множеству вѣровавшихъ бѣ сердце и душа еди-на» ⁽¹⁾, иединомуже явѣ яко ⁽²⁾ свое хотѣніе по-ставляющу, всѣмъ же ⁽³⁾ общее ищущимъ въ еди-номъ святѣмъ Дусѣ единого Господа Іисуса во-ля, рекшаго: «сидохъ съ небесе, да не сотво-рю ⁽⁴⁾ волю мою, но волю пославшаго мя Отца», къ нему же рече: «не о сихъ же молю точію, но и о вѣрующихъ словесемъ ихъ въ мя, да вси едино будутъ» ⁽⁵⁾? Съ сими ⁽⁶⁾ и множайши-ми умолчанными сице явѣ и непротиворѣчнѣ нуж-но быти извѣщенъ бывъ еже отъ всякоя купно Божія церкви по воли Христовѣ въ Дусѣ свя-тѣмъ согласіе, бѣдно же и пагубно въ еже другъ къ другу растоаніи еже къ Богу непокорство ⁽⁷⁾,— «не вѣруяй бо, рече, Сыну не узритъ жизни, но гнѣвъ Божій пребываетъ на немъ» ⁽⁸⁾,—оно же послѣдованно вмѣнихъ истязати прочее, кая убо отъ согрѣшеній прощеніе имѣти отъ Бога могутъ, колика же кто и какова согрѣшивъ, повиненъ бы-ваетъ суду непокорства. Обрѣтаю убо, восприемъ божественая писанія, въ ветсѣмъ и въ новѣмъ за-вѣтѣ, ни во множествѣ же ⁽⁹⁾ согрѣшаемыхъ, ни-

⁽¹⁾ Дѣян. 4, 32.

⁽²⁾ Староп: яко — нѣтъ.

⁽³⁾ Староп: но всѣмъ.

⁽⁴⁾ Староп: и № 605: не да творю.

⁽⁵⁾ Іоан. 17, 20. 21.

⁽⁶⁾ Старп: ними.

⁽⁷⁾ Староп: и пагубно, въ еже къ Богу непокорство къ еже къ другъ другу растоаніи.

⁽⁸⁾ Іоан. 3, 36.

⁽⁹⁾ Староп: и № 605: же — нѣтъ.

же въ велицѣ согрѣшеніи, во единомъ же преступленіи коего либо повелѣнія явѣ судимо еже къ Богу непокорство, и общій на всяко преслушаніе Божій судъ. Въ ветхомъ убо страшный онъ Ахаровъ ⁽¹⁾ прочитая конецъ, или о иже въ субботу дрова собравшаго повѣсть, ихже койждо ничтоже никогдаже ино ни въ Бога согрѣшивъ, ни челоуѣка обидѣвъ, ни велико ни мало отнюдь обрѣтается; но овъ убо о единомъ и первомъ собраніи дровъ неиспрошенъ пріять судъ и ниже покаенія мѣста обрѣтъ, повелѣніемъ бо Божіимъ отъ всѣхъ людій ту абіе каменіемъ побивается; овъ же яко точно взятъ нѣчто отъ возложеній, и еще не внесеномъ въ сонмище, ниже пріятюмъ бывшемъ отъ иже ⁽²⁾ учиненыхъ на таковая, виновенъ погибели не себѣ единому, но и женѣ и чадомъ и еще же и той самой скинии со всѣми бысть; хотяше же уже ⁽³⁾ и вся люди огненнымъ образомъ поести грѣха злое, и се ниже въдящу бывшее, ниже простившу согрѣшившему, аще не быша вскорѣ отъ паденія убіенныхъ мужій сокрушилися людіе, ощутивше гнѣвъ Божій; паде же купно съ старцы, посыпався перстію, Исусъ Наввинъ, и тако жребіемъ обрѣтенъ бысть повинный реченный пріяти судъ ⁽⁴⁾. Но еда

⁽¹⁾ Ахаровъ — изъ староп.

⁽²⁾ Староп: иже — нѣтъ; № 605: ихже.

⁽³⁾ уже — изъ староп. и № 605.

⁽⁴⁾ Староп: обрѣтенъ бывъ повинный, реченый пріять судъ.

речеть кто непщеваномъ убо быти симъ влѣпоту и о инѣхъ согрѣшеніихъ, отъ нихже и вси⁽¹⁾ увязнуша, единѣхъ же сихъ яко лютейшихъ и смерти достойныхъ вспомянути святому писанію? Но аще и зѣло будетъ таковѣй дерзъ приложити что или отъяти: еда и Маріи убо сестрѣ Моисеовѣ приречеть множество согрѣшеній, еяже добродѣтель никомуже отъ вѣрныхъ мноу утайтися? Та на Моисея понеже рече нѣчто точію взаиранія странѣ, и се истинно, «жену бо, рече, мурыню поять себѣ»⁽²⁾ толико во искусъ бысть негодованія Божія, яко ни самому Моисею молящуся проститися ей грѣха запрещенію. Того самого егда вижу Моисея, Божія слугу великаго оноу, иже толики убо и таковы сподобльшася чести отъ Бога, сице же отъ него множицею свидѣтельствована, яко слышати⁽³⁾: «вѣмъ ты паче всѣхъ, и обрѣте благодать предо мною»⁽⁴⁾,— сего егда вижу на водѣ пререканія ниединого ради иного, развѣ да точію речеть людемъ, ропщущимъ неимѣнія ради водного: «егда отъ сего камене изведемъ воду»⁽⁵⁾? сего единого ради прещеніе приѣмлюща въ землю обѣтованія не внити, яже бѣ тогда ко іудеомъ⁽⁶⁾ обѣтованій главиз-

(1) Староп. и № 605: и въ сихъ.

(2) Числ. 12, 1.

(3) Староп: слышати — нѣтъ.

(4) Исх. 33, 12, 17.

(5) Числ. 20, 10.

(6) № 605: еже ко іудеомъ.

на, — егда вижу того молящася и непращаема, егда вижу неединоя милости ради толикихъ исправленій о малѣмъ ономъ сподобляема: воистину убо зрю Божіе отсѣченіе по апостолу ⁽¹⁾, воистину же оно истинно быти увѣряюся, еже: «аще праведный едва спасется, нечестивый же и грѣшный гдѣ явится» ⁽²⁾? И что сія глаголю? Оного егда услышу страшнаго Божія отвѣщанія, еже на единому заповѣдъ въ невѣданіи преступльнаго отвѣщеваеть: не имамъ, како достойнѣ убоюся гнѣва величества. Писано бо есть: «и душа аще согрѣшитъ и сотворитъ единому ⁽³⁾ заповѣдей Господнихъ, ихже не достоинъ творити, и не позна, и прегрѣши ⁽⁴⁾, и приметъ грѣхъ: и принесетъ овна непорочна отъ овецъ, цѣною сребра о согрѣшеніи ко іерею, и оцѣститъ о немъ іерей и о невѣжествѣ его, еже ⁽⁵⁾ не увѣдѣ, и той не вѣдаше, и отставится ему; прегрѣши бо прегрѣшеніемъ предъ Господемъ» ⁽⁶⁾. Аще же о тѣхъ, иже въ невѣдніи, сице неотпрошенъ судъ, и о очищеніи жертва нужна бѣ, и праведный Іовъ свидѣтельствуется жертву приносити о сынохъ: что убо кто речеть о иже въ разумѣ согрѣшающихъ, и иже тѣмъ умолчеваю-

⁽¹⁾ Римл. 11, 22.

⁽²⁾ 1 Пётр. 4, 18.

⁽³⁾ Староп. и № 605: единому отъ всѣхъ.

⁽⁴⁾ Староп. и прегрѣшитъ.

⁽⁵⁾ еже — изъ староп. и № 605.

⁽⁶⁾ Лев. 5, 17 — 19.